

## II - ARABAKO LURRALDE HISTORIKOAREN TOKI ADMINISTRAZIOA

### VITORIA-GASTEIZKO UDALA

#### MUGIKORTASUNAREN ETA ESPAZIO PUBLIKOAREN SAILA

##### Administrazio Zerbitzua

**2019an Gasteizko taxi zerbitzuan errekuntza motorra duten ibilgailuen ordeztu ibilgailu elektriko matrikulatu berriak erosteko dirulaguntzak emateko deialdi publikoa eta hori arautuko duten berariazko oinarriak**

Tokiko Gobernu Batzarrak 2019ko urriaren 4an egindako ohiko bilkuran onetsi zituen 2019an Gasteizko taxi zerbitzuan errekuntza motorra duten ibilgailuen ordeztu ibilgailu elektriko matrikulatu berriak erosteko dirulaguntzak emateko deialdi publikoa eta hori arautuko duten berariazko oinarriak.

Administrazio Publikoen Administrazio Prozedura Erkidearen urriaren 1eko 39/2015 Legearen 45.1. artikuluan xedatutakoaren ildotik, argitara ematen dira, denek izan dezaten horien berri.

Vitoria-Gasteizen, 2019ko urriaren 16an

*Ingurumenaren eta Espazio Publikoaren administrazio-burua*  
**EUSEBIO-MARTÍN MACHO PÉREZ**

#### **Berariazko oinarriak**

##### 1. Deialdiaren xedea.

2019an Gasteizko taxi zerbitzuan errekuntza motorra duten ibilgailuen ordeztu ibilgailu elektriko matrikulatu berriak erosteko dirulaguntzak ematea da deialdiaren xedea. Honen bitartez, airearen kalitatea hobetzen lagunduko da, baita kutsadura akustikoa, berotegi-efektuko gasen emisioak eta energia-kontsumoa murrizten ere.

##### 2. Hartzaileak.

Honakoak izan daitezke dirulaguntzen hartzaileak:

— Gasteizko udalaren taxi-lizentzia baten jabe diren pertsona fisikoak, ibilgailu berriak lehendik lizentzia horri atxikitako ibilgailua ordeztu badu.

— Gasteizko taxi-elkarteak, ibilgailua Gasteizko taxi-lizentziek eta ez bestek ibilgailu bat ordeztuko erabiltzen bada.

Ibilgailu bakarra lagunduko da diruz pertsona fisiko eta elkarte bakoitzeko.

Ezingo dira onuradun izan Dirulaguntzen Lege Orokorren (DLO) 13. artikuluko 2. eta 3. ataletan ezarritako debeku-egoeratan dauden eskatzaile fisiko edo juridikoak.

2019ko urtarrilaren 1a baino lehen jaulkitako erosketa-faktura duten eskabideek ezingo dituzte laguntzak eskuratu.

### 3. Ibilgailuen baldintzak eta betekizunak

Taxi-lizentzien titularrek 2019an erosi dituzten ibilgailu elektriko huts berriengatik bakarrik jaso ahalko da dirulaguntza.

### 4. Aurrekontu zuzkidura eta dirulaguntzaren zenbatekoa

Oinarri hauetan zehaztutako ekintzetarako aurrekontua 60.000,00 eurokoa izango da, guztira.

Diru-laguntzaren zenbatekoa hamar milako eurokoa (10.000,00 euro) izango da eskabide bakoitzeko.

Mugikortasunaren eta Espazio Publikoaren Sailaren aurrekontuko 2019/152005.4412.77000 partidako zuzkidura da; hala ere, 2019a luzatutako 2018ko aurrekontuan zuzkidura egoki eta nahikorik egon behar du, orduan ebatziko baita deialdia.

### 5. Dirulaguntza emateko prozedura.

Dokumentazio osoa sarrera-erregistroan sartu den hurrenkerari jarraituko zaio dirulaguntzak emateko (eguna, hilabetea, ordua eta minutuak) , 4. atalean adierazitako aurrekontu-mugara iritsi arte.

### 6. Eskabideak aurkezteko epea eta modua

1. Deialdi honen laburpena Dirulaguntzen Datu-base Nazionalaren bitartez ALHAOean argitaratzen den egunaren biharamunean hasiko da eskabideak aurkezteko epea, eta gorabehera hauetakoren bat gertatzen denean amaituko:

a) Ezarritako aurrekontua agortzea (aurkeztutako eskabide zuzenei erantzunda).

b) 2019ko abenduaren 31ra iristea.

2. Aurrekontua 2019ko abenduaren 31 baino lehen agortzen bada, eskabideak behin-behineko zerrendan erregistratu ahalko dira, eta sarrera-erregistroaren hurrenkerari jarraituta erantzungo zaie, baldin eta aurrekontua geratzen bada alde zuzenetik esleitutako dirulaguntzak bertan behera utzi, ez onartu edo uko egin zaielako.

3. Interesaturik daudenek II. eranskineko eskabide-eredua baliatuta aurkeztu beharko dute eskabidea, aurrez aurre herritarrei laguntzeko bulegoetan edo Gasteizko Udalaren egoitza elektronikoko helbide honetan: <https://sedeelectronica.vitoria-gasteiz.org>; orobat aurkeztu ahalko dira legez aurreikusitako gainerako moduetan, Administrazio Publikoen Administrazio Erkidearen urriaren 1eko 39/2015 Legearen arabera.

4. Eskabidean adierazita egon behar dira, ezinbestean, eskatzailearen NANA –edo IFK elkartea bada–, eta honako agiriak erantsi behar zaizkio:

– Dirulaguntzei buruzko azaroaren 17ko 38/2003 Lege Orokorraren 13. artikuluan onuradun izateko aipatzen diren debeku-egoeretakoa batean ez dagoela adierazten duen erantzukizunpeko adierazpena. (I. eranskina).

– Ibilgailua gutxienez lau (4) urtez Gasteizko taxi-zerbitzura atxikita egongo dela adierazten duen erantzukizunpeko adierazpena. (I. eranskina).

– Ibilgailu elektriko huts berriaren jatorrizko faktura, saltokiak zigilatuta (II. eranskinean jasotako ereduan).

– Gizarte Segurantzaren Diruzaintzarekiko betebeharrak ordainduak direla egiaztatzen duen ziurtagiria.

Eskabidearekin batera ez dira oinarrien 9, atalean adierazitako justifikazio-agiriak aurkeztu behar.

## 7. Instrukzioa eta ebazpena.

Gasteizko Udalaren 2019ko diru-laguntzetarako deialdiak arautzeko oinarri orokorren 8. puntuan ezarritakoa aplikatuko da deialdia bideratu eta ebazteko (Tokiko Gobernu Batzarrak 2018ko azaroaren 28an onetsitako deialdia, 2019ko otsailaren 13ko ALHAO, 19. zenbakia).

## 8. Dirulaguntza ordaintzea

Dirulaguntzaren ehuneko 100a ordainduko da laguntza justifikatu ondoren.

## 9. Dirulaguntzak justifikatzea.

Emandako laguntzak bi (2) hilabeteko epean justifikatu beharko dira, ebazpenaren jakinarazpenetik kontatuta.

Honako lege eta ordenantzei jarraitu behar zaie dirulaguntzak justifikatzeko: dirulaguntzei buruzko azaroaren 17ko 38/2003 Legearen 30. artikulua, eta hurrengoak, lege horren araudia onesten duen uztailaren 21eko 887/2006 Errege Dekretuaren 69. artikulua eta hurrengoak, eta Gasteizko Udalaren dirulaguntzei buruzko ordenantzaren 19.artikulua.

Aipatutako artikulua horren ildotik, honako agiriak aurkeztu beharko dira dirulaguntzak justifikatzeko:

- Ibilgailuaren Azterketa Teknikoaren fitxa teknikoaren fotokopia.
- Zirkulazio-baimenaren fotokopia.
- Ibilgailu elektriko hutsa ordaindu izanaren egiaztatzea. Hauek dira, besteak beste, ordainketa justifikatzeko agiriak:

### 1) Transferentzia.

a) Egindako transferentzia-aginduen frogagiria, finantza-erakundeak emana.

b) Egindako transferentziaren kargua ageri den kontu korrontearen laburpena (banketxeak zigilatua).

Bi kasuetan berariaz jasota agertu behar dira kontzeptua, transferentziaren onuraduna eta kontuaren titularra dela dirulaguntzaren onuraduna.

### 2) Txartela:

a) Txartelaz ordaindu izanaren frogagiria.

b) Txartelaz ordaindu izanaren kargua ageri den kontuaren laburpena.

Kasu guztietan berariaz jasota agertu beha dira kontzeptua, eragiketaren onuraduna, eta txartelaren titularra dela dirulaguntzaren onuraduna.

### 3) Banku-entitatearen bidezko finantziaketa:

Finantzaketa-kontratuaren kopia.

Gasteizko udalak ofizioz konprobatuko du ibilgailua taxi zerbitzuan erabiltzeko gaitzat jo dela.

## 10. Diruz lagun daitezkeen gastuak.

Ibilgailua erosteko gastuak – BEZik gabe– joko dira diruz lagun daitezkeen gastutzat, Dirulaguntzei buruzko Legearen 31.8 artikulua ezarritako ondorioetarako.

## 11. Lehiatzeko aukera.

Emandako laguntza bateragarria izango da helburu berarekin beste edozein administrazio edo erakunde publiko nahiz pribatuk –dela estatuko, dela Europar Batasuneko dela nazioarteko –emandako bestelako dirulaguntzekin.

Hala ere, emandako dirulaguntzaren zenbatekoak ezingo du gainditu, inolaz ere, dirulaguntzaren xedearen kostua, ez berak bakarrik, ez jasotzen den bestelako edozein dirulaguntza, diru-sarrera edo baliabiderekin batera.

Onuradunek jakinarazi egin behar diote Gasteizko udalari udalaren ebazpenaren ondoren beste administrazio publiko batzuegandik helburu berarako laguntzak jasotzen badituzte, horien jakinarazpena jasotzen denetik hilabete pasa aurretik (III. eranskina).

#### 12. Onuradunen betebeharrak

Onuradunek DLOren 14. artikuluan eta dirulaguntzen udal ordenantzaren 6. artikuluan xedatutako betebeharrak bete beharko dituzte.

Bereziki, honako hauek:

- Dirulaguntzaren xede den ibilgailua dirulaguntzan adierazi den lizentziari atxikitzea, 2019an.

- Ibilgailu elektrikoa gutxienez lau urtez (4) erabiltzea taxi-zerbitzuan, atxikitzen denetik kontatuta. Gutxieneko denbora igaro aurretik ibilgailua zerbitzutik kentzen bada, itzuli egin beharko zaio udalari jasotako dirulaguntzaren zati proportzionala, aurreko paragrafoan adierazitako gutxieneko denbora bete arte, salbu eta ibilgailua Gasteizko beste taxi-lizentzia baten titularrari eskualdatu eta epe hori bete arte zerbitzua eskaintzen jarraitzen badu. Edonola ere, gutxieneko epearen baldintza betetzen ez bada, dirulaguntzaren onuradunak izango du zati proportzionala itzultzearen erantzukizuna.

- Gasteizko udalari laguntzea elektromugikortasuna sustatzeko antolatzen dituen jardueretan.

- Udalak emandako itsasgarri bat jartzea ibilgailuaren kanpotik ikusteko lekuren batean. Itsasgarri horrek taxi zerbitzurako ibilgailu elektrikoak erosteko deialdi honetan laguntza jaso duela adieraziko du.

#### 13. Dirua itzultzea.

Egoera hauetakoren bat gertatuz gero– dirulaguntza eskatu eta eman zen xederako ez erabiltzea, dirulaguntza ekarri duen ekintza ez burutzea, dirulaguntza ezarri zen xederako aplikatu zela ez justifikatzea edo nahikoa ez justifikatzea, eta, oro har, ezarritako betebeharrak ez betetzea–, onuradunek itzuli egin beharko dute emandako eta jasotako zenbatekoa, aplikagarri zaizkion berandutze interesak gehituta, DLOren 37. artikuluan eta Gasteizko Udalaren Dirulaguntzei buruzko udal ordenantzaren 20. artikuluan xedatutakoaren arabera (2005eko ekainaren 17a onetsitako ordenantza; 2006ko urtarrilaren 13ko ALHAO, 5. zenbakia.)

#### 14. Arau-haustea eta zigorrak.

DLOren 59. artikulutik 69.era bitartekoetan eta Gasteizko dirulaguntzei buruzko udal ordenantzaren 28. artikulutik 41.era bitartekoetan ezarritakora egokituko da arau-hauste eta zigorraren erregimena (udal ordenantza 2005ko ekainaren 17an onetsi eta 2006ko urtarrilaren 13ko ALHAOn, 5. zenbakia, argitaratu da).

#### 15. Araudia.

Deialdi honetan ezarritako prozedura Tokiko Gobernu Batzarrak 2017ko abenduaren 1ean (2018ko urtarrilaren 22a ALHAO) onetsitako oinarri orokorretan ezarritakoaren mende dago, beti ere DLOn, dirulaguntzen udal ordenantzaren (2015ko ekainaren 17an onetsi eta 2006ko urtarrilaren 13an argitaratua) eta deialdiaren oinarri orokorretan ezarritakoaren kontrakoak ez badira.

Udalaren [www.vitoria-gasteiz.org](http://www.vitoria-gasteiz.org) webgunean kontsulta daitezke deialdi honi buruzko agiri guztiak.